欽 定 全 唐

文

元宗十九 欽定全唐文卷三十八目錄 钦定全唐文 卷三十八 令都縣采奏孝弟語 贈張九齡司徒誥 降永王璘為庶人誥 停賴王等節度語 答皇帝上尊號詩 答皇帝讓尊號語 **卅元獻楊太后**誥 目錄

遺譜 聖祖大道元元皇帝加號冊文受禪告南郊文 答皇帝表謝宣示進丹竈語 賜皇帝進燒丹竈計 答皇帝三上尊號并辭大聖字語 高祖神堯大聖皇帝加諡冊文 答皇帝上尊號并讓大聖字語 再答皇帝上尊號計 安宗元真大聖与平 #監察皇帝文 #監察皇帝文 #惠莊太子文 #惠莊太子文 睿宗元真大聖皇帝加諡冊中宗孝和大聖皇帝加諡冊 高宗天皇大聖皇帝加諡冊文 太宗文武大聖皇帝加諡冊 文文 文

無惠文太子文 無惠文太子文 無與信公主文 無與信公主文 之主文 無與信公主文

#廣寧公主文 #廣寧公主文 #新華王楊妃文 #新王传莫陳妃文 #新王佐夏陳妃文 册平昌公主文

母ないり、ションカー 無原王韋妃文 無原王韋妃文 無原王韋妃文

欽定全唐文人卷三十八元宗 鑿門命將授鉞專征仗以方面之威執夫賞罰之柄邦 任咸緝方隅今者皇帝即位親統師旅兵權大略宜有統 磨 欽定全唐文卷三十八 承庶若振綱惟精惟一願王以下節度使並停其諸道 重 元宗十九 詩書之教佩服仁義之方樂善無厭好學不倦頃之一任固實在兹潁王永王豐王等朕之諸子早承訓誨 節度等副使並令知事仍並取皇帝處分李明未到江 停頹王等節度計

常關幾暫阻朕乗與南幸遵古公避狄之仁皇帝受命北 能 征 **陵永王且莫離使待交付兵馬了永王豐王赴皇帝行在** 臣子之節君親是奉或志懷干紀當義在滅私蓋前王所 以持法割恩垂涕行戮言念及此歎息彌深頃以凶孽亂 任專用鐵之威擅越淮海公行暴亂違君父之命旣 堪事令鎮江陵庶其克保維城有神王室而乃棄分符 與少康復夏之績循以藩翰所寄非親莫可永王璘謂 殃走蠻貊之邦欲何逃罪據其凶悖理合誅夷尚以骨 降永王璘為庶人語

欽定全唐文《卷三十八元宗 殁 不虞尋懦遂至昏迷申此典章彌增媤嘆 於房陵郡安置所由郡縣勿許東西联存訓誘勗之忠孝 宜寬伏鎖之命俾點析廷之典可悉除爵土降為庶人仍 因廢為人常山免誅爰將徙地是用矜其萬死屈此九刑 禮可行於囊制而削土勿王義亦著於前史昔廣川有罪 肉之間有所未忍皇帝誠深孝友表請哀於雖解緩全體 正大厦者柱石之力昌帝業者輔相之臣生則保其榮名 乃稱其盛德飾終未允於人望加贈實存乎國章故中 贈張九齡司徒誥

來戒途將發必肅恭拜跪涕泗連洏左右侍臣罔不感動 事 台之位可贈司徒仍遣令使就韶州致祭者 共被食必分甘今皇帝奉而行之未嘗失墮每有街命而 至 言定於社稷先覺合於著龜永懷賢弼可謂大臣竹帛 書令張九齡維嶽降神濟川作相開元之際寅亮成功謹 存樵蘇必禁荆州之贈相府未崇爰從八命之秩更進三 和育物大孝安親古之哲王必由斯道朕往在春宫當 先后問安靡關視膳無違及同氣天倫聯華棣萼居當 令郡縣采奏孝弟語 插

間者抱戴赤雀白狼之瑞接武薦臻此皆皇帝聖敬之 孝友之感也故能誕敷德教横於四海信可以光宅寰宇 郡縣長官採聽聞奏庶孝子順孫沐於元化也 以 聖 永綏黎元者哉其天下有至孝友弟行著鄉間堪旌表者 稒 以子貴德以諡等故妃宏農楊氏特稟坤靈久釐陰教 續塗山之慶降華渚之祥誕發異圖載光帝業而冊 人垂範是推顧復之思王者建極抑有追尊之禮蓋母 闕幽靈尚闕夏王繼統方軫陽城之恩漢后喪樂庶 こここの元宗 **卅元獻楊太后**誥

華戎銳士掃定神州功乃格天德惟邁古是用受兹國寶 汝孝以奉親明以御宇上從君父之命下順黎元之欲旣 增孝敬吾久勤庶務常奉至真特好清虚尋將付託爾以 カロ 昊穹垂佑宗社發祥爾往在髫年素彰岐嶷泊乎問寢 讓禮克光丕業以副至公即斷來表 昭靈之稱宜於彼追冊為元獻太后 欽定全唐文、卷三十八 以大號典章斯集喜慰盈懷實謂道應前王何以志在 答皇帝上尊號語 答皇帝讓算號詩 E

欽定全唐文人卷三十八元宗 寧自多愉悅 宏茂寔爰副崇名千古攸高百王是式載循章奏喜慰可 運而有融當樂推而難拒予棲神道要養志真元邦家人 來入鎬京美城綠納功件造化命之守器加以鴻名掃厄 備典章當依來請 汝 知予志每集虚心當遺炤方契真宗之旨豈云稱號之樂 朝問禮五讓不圖用殷后之師載戡牧野同周王之步 就養無違歸尊有裕載獻從龜之古復當乙巴之辰已 再答皇帝上尊號語 四

域汝欲歸尊於父實在因心爰及朝臣亦同懇願且無為 達元妙遠寄真宰凝神澹泊足可自怡至於宗廟陵原常 亭育區宇籠綏蠻夷罔不率從多歷年和項者姦臣煽 展慶矣郊種豫動固陳儀焉方期仙於上境已遺樂於中 天是賴故加之大聖建以崇名用膺多福何所與讓予夙 中原構釁汝睿略懸於兩曜鴻勲格於九天終古莫儔上 要爰立邦家其來尚矣予承百王之遐運繼五聖之丕業 天地肇敬皇王津與故三王垂御圖之迹典墳著牧人之 答皇帝上尊號並讓大聖字語

寶符自題微號寧惟對於列辟諒已聞於率土渙汗之出 理不可收絲言之行事必有在將固撝謙之道是違億兆 孝感之極通於神明傳於前史迹罕彰灼今日之事不其 道高者必傳其迹德著者必享其名汝廓淨妖氛載安社 之情天地神祇未以為當宜曆景命即斷來章 稷萬靈式稅豈非大乎兩儀交泰豈非聖乎吾所以親受 於沖漠又何取於徽名宜悉此懷用全至道耳矣 元宗 賜皇帝進燒丹竈誥 答皇帝三上尊號並解大聖字語

際古今未聞色養之勤書冊不載寤寐嘉歎深慰於懷宜 欽定全唐文、卷三十八 若合神明此乃汝之因心測吾之本意豈惟此度前後 王者域中之尊孝者天下之本兼而成務厚莫重焉而應 頒示天下宣付史館 **殿吾比年服藥物比為金竈煮煉石英自經窓戎失其** 以和奉親以愛由衷而舉有感必通若不動於神明豈 則知惟容作聖惟德動天再闢寰宇重會父子付託之 用前日晚際思欲修營一昨早朝遠聞進奉有同符契 答皇帝表謝宣示進丹竈許

守宗祧中暱悅人幾淪大寶賴皇帝撥亂反正戡難濟時 次定全唐文·卷三十八元宗 於綠鄉故欲昭宣示於中外垂芳於來葉光我國典也 帝不務疑 厥疾未瘳禮貴適時或無封疑執宜令天下吏 惟天鑒下享年有期惟人奉天獲沒為善予嗣承丕業敬 幸以暮年復兹安養常懼有悔以羞先靈今病旣彌留 比於符契且匹夫之績尚銘於鼎鼐沉天子之孝不列 令到出臨三日皆釋服無禁婚娶祠祀飲酒音樂其殿 不寤其國務之事非予所圖哀制之間兹審遺訓者皇 遺語

皇帝臣某敢以元牡昭告於皇皇上帝上皇厭理萬幾炭 情太古釋兹重責文料與道優遊宇宙不可以無君宗社 乖予志 政十三日小祥二十五日大祥二十七日而釋服以日易 中當臨者曉夕各十五舉音禮畢而罷皇帝宜三日而聽 其葬送之儀尤須儉省特宜裁改無守常規嗚呼萬方勿 月固有前聞人子之念皆所未忍而艱難之際萬國事殷 不可以無主恭惟悉數猥當虚薄懼忝帝位固辭不免遂 受禪告南郊文

次定全害文 卷三十八元宗 綏天極 教所属唯崇號焉伏惟象帝啟元猶龍表聖應代降跡立 皇帝臣隆基奉册大聖高祖元元皇帝臣聞有萬物者必 維天寶八載歲次已丑閏六月癸亥朔四日景寅曾孫嗣 **膺大禮以馭下人敬擇元日告類上帝惟神敷祐四海** 言垂範沖用之功覆幬於天地救濟之德亭毒於生靈安 本乎大道稱謂所極乃強名焉通三才者必存乎大寶敬 邦家克保丕業顧以眇躬續承丕緒永惟写佑以致太 聖祖大道元元皇帝加號冊文 는

典永貽休烈 馨香四海樂推百蠻稽服故得圖應緯協開國造邦顧以 嗣皇帝臣隆基敢昭告於高祖神堯皇帝伏惟乾坤合德 厯 維天寶八載歲次己丑閏六月癸亥朔四日景寅孝曾孫 深兢惕謹上加尊號曰聖祖大道元元皇帝伏惟昭膺 刻 分グノブ 數在躬俯順人心肇興王紫濟生靈於塗炭宏至理 頃者玉芝再產上記陰隱是用恭膺景命肅事鴻名旣 元辰薦彰佳則則有卿雲散彩瑞日重輪欽承降鑒載 高祖神堯大聖皇帝加諡冊文 ز

感慰 渺 隂 嗣皇帝臣隆基敢昭告於太宗文武皇帝伏惟英哲自 神堯大聖皇帝伏惟俯鑒虔誠昭升盛烈祗奉典冊伏 應 德續承不續永惟乎枯以致太和項者五芝再產上 天寶八載歲次已丑閏六月癸亥朔四日景寅孝曾孫 彩瑞日重輪恭惟降鑒載深兢惕謹上 **隲欽承景命肅事鴻名既刻元辰薦彰嘉應則有卿** 撥亂翼戴元聖大拯横流九服載安百靈伴人功冠 太宗文武大聖皇帝加諡冊文 元元 宗 加等諡曰高 記 祖 禦

皇帝臣隆基敢昭告於高宗天皇大帝伏惟繼文續聖嗣 **腾虔誠昭升盛烈祗奉典册伏增感慰** 鑒載深兢惕謹上加尊諡曰太宗文武大聖皇帝伏惟 欽定全唐文 卷三十八 維天寶八載歲次已丑閏六月癸亥朔四日景寅孝孫嗣 開 至和平項者玉芝再產上記陰騰是用飲承不社肅事鴻 月克昌大業永建皇圖願以助身祗膺寶命恭惟孚佑以 關德被生靈故于戈之動叶於湯武文章之盛懸於日 既刻元辰薦彰嘉應則有卿雲散彩瑞日重輪永惟降 高宗天皇大聖皇帝加諡册

惟孚佑以致太平頃者玉芝再產上記陰陽飲承景命肅 欽定全唐文人卷三十八元宗 事鴻名既刻元辰薦彰嘉應則有慶雲散彩瑞日重輪恭 之師展對崇之禮無有遠邇罔不率從仁風汪洋德澤滂 武居尊保合太和緝熙庶績萬邦作人百度惟貞興弔伐 維天寶八載歲次己丑開六月癸亥朔四日景寅孝姪嗣 惟降鑒載深兢惕謹上加尊諡曰高宗天皇大聖皇帝伏 沛能事超於邃古休聲賞於列辟顧以眇德續承丕緒永 惟鑒睠虔誠昭升盛烈祗奉典册伏增感慰 中宗孝和大聖皇帝加諡册文 九

肅 緒 永惟孚佑以致太和頃者玉芝再產上記陰騰欽承景命 伏惟俯鑒虔誠昭升盛烈祗奉典册伏深感 叶賛百姓與能庶績成康葬倫有穆顧以則德續承丕緒 思 皇帝臣隆基敢昭告於中宗孝和皇帝伏惟睿聖日齊文 惟降鑒載深就惕謹上加尊諡曰中宗孝和大聖皇帝 事鴻名既刻元辰薦彰嘉應則有慶雲散彩瑞日重 武以靖亂文以經邦流愷悌之風布寬和之政故三靈 天縱重昌大業光敵中與允昭嗣夏之功克荷續堯之 **睿宗元真大聖皇帝加諡册文** 慰 輪

皇帝臣隆基敢昭告於睿宗大聖貞皇帝伏惟睿哲齊聖 次定全害文 卷三十八元宗 頃者玉芝再產上記陰隱是用欽承景貺肅事鴻名旣刻 維天寶八載歲在已丑閏六月癸亥朔四日景寅孝子嗣 兢惕謹上加與諡曰睿宗元真大聖皇帝伏惟俯雖虔誠 至道惟懷永圖顧以眇身嗣膺實命恭惟乎佑以致太和 文思光澤炳兹龍德潛躍應期靖難安人克昌休運臻於 元辰薦彰嘉應則有慶雲散彩瑞日重輪恭惟降鑒載深 昭應盛烈祗奉典册伏增感慰 光天文武大聖孝感皇帝加號册文 +

皇帝天縱睿哲日瞬孝敬率性之至通於神明財成之道 易姓舉至公於國篡戎繼統用不私於親斯美大矣朕承 堯禪舜舜禪禹畏天命也啓嗣禹武嗣文從人望也革命 每懷紫霄之取惟父知子我有元良惟君安人久思付託 齡實受多福曷當不度恭至道亭育羣生早厭黃屋之勤 維至德三載歲次已亥正月甲戌朝五日戊寅太上皇若 五聖之丕業宅萬國而為君膺時撫運載將四紀夢帝與 冠於宇宙朕行以蕭牆之難克保宗社故先帝俾予以主 曰古之握乾符建皇極社稷不可無主帝王惟有攸歸 則

次定全唐文·卷三十八元宗 雲雷之際櫛沐風雨之時思契宿心累有成命而義不奉 **鬯頃者中原之福期輯邦家我於是命爾以仗鐵當經** 感皇帝授傳國璽受命寶符各一上副於天中契於神 庭 詔謙不踰尊至於再三明兹懇讓洎即戎致討觀兵朝 公終防元后夫名以制義器以昭德今羣公卿士成旅 取豪傑用服乃功於明碎天亦集大命於爾躬推之 明聽朕言數厭成訓於戲奄有四海克康兆人光天之 國安親孝感也今加徽號於皇帝曰光天文武大聖 也經綸天地戡定禍亂文武之功也雄圖英算大聖 王 至

駕嗣 遊不其至哉良願畢矣宜令所司擇日即行無禮 明有清河之畏惧狗馬不玩得淮南之恭儉往以中宗晏 爾襄王象月降靈自天生派弱不好弄長而勤書衣冠待 維開元二年歲次甲寅八月景辰朔日皇帝若日於戲咨 位太皇誠請懇到克遂雅懷宜其受兹多福享彼遐齡而 朕將訪道峒山追蹤汾水超然金闕之上終以玉京之 於人三者朕無愧焉永保累聖之鴻緒對揚一人之 位登皇制於山逆是膺虚器懼深禍亂 冊諡殤皇帝文 閥為掃除推 体

靈式慰泉壤嗚呼哀哉 申皇帝若日於戲古者崇德考行猶諡大名飾終追遠亦 次定全吾文人长三十八元宗 維開元二十九年歲次辛已十一月戊申朔二十五日壬 傷短折之壽可諡為殤皇帝仍遣某乙持節授册宜膺龍 之淪棄者哉是用超於舊典享以榮號遠推仁慈之心特 則有焉豈可禮均藩臣名齊列國等昌邑之厭毒同營陽 能傳聖永祚承萬方之大福在三讓之高節周之泰伯 腠理俄纏膏肓不救感念親懿用隱悼於厥心夫避德與 **州諡讓皇帝文** 上

韋紹等持節禮無因心之感備物飾情瞻典策而哀深想 從薨逝與言震動哀灰纏懷惟王地居元子合膺主鬯昔 平清飲光於魯衛實謂儀型邦家保人藩維景命不融奄 諡王為讓皇帝个遣使尚書左丞相裴耀卿副使太常卿 義之道彰乎日用加以好學不倦樂善有聞休問掩於 應徽冊況乃元昆之戚天倫之重豈循常典者哉咨爾故 厚德茂行已表於生前實位尊名盛禮寧忘於沒後是用 朕上稟先訓克清羣凶遂固守撝謙懇讓儲副然則深仁 太尉寧王憲純粹稟靈沖和成象孝友之性發乎天然

欽定全唐文《卷三十八元宗 象之年備成人之敏九元賛命百姓與能正位少陽欽 孝乃因心書及春鄉懸推早秀言窮叔譽遠愧生知當試 恭懿元亨利貞遵在鎬之惠慈稟生龍之祥應學能知道 冕見南郊之禮本支百代宜哉福禄咨爾郢王嗣謙忠肅 於戲書不云乎一人元良萬邦以貞易不云乎黃離元吉 得中道也將以守監從撫主器承被執經陳東序之容端 棣華而望絕所冀幽穸嘉兹龍榮 開元三年歲次乙卯正月甲申朔四日丁亥皇帝若日 **册郢王為皇太子文** 当

業積爾重輝之慶必敬必戒無怠無荒欽哉可不慎 望苑招賢用資端直使三靈合契四海係心延我界聖之 受易率以鳴謙河閒聚書時其好學加以出為方伯宏 情崇名所以表德義存追遠愛治因親惟故司徒申王 一典是用命爾為皇太子其在靖恭爾位聿修嚴德詩書 **璿極稟靈邦家維翰體孝友以成性用淳和而合道沛** 開元十二年十一月甲申皇帝若日於戲夫縟禮所以 樂敦說為本父子君臣威儀罔忒寢門問監必視寒暄 **珊惠莊太子文** 敷

宣六條入登司徒大數五教而天則不愁奄薨於行留邸 也咨爾太子太傅上柱國岐王範孝友至性聰達多才 維 無 善為詞言行俱敏好學流譽經傳悉通德既訓於東官化 曷降年不永天倫之戚而因心有加飾以徽章孔懷之義 しいしい上、一人、一元宗 期同輦遂遠與哀痛震動於歐心夫先王演親親之思 秋著加等之義上嗣之位飾終在期宜率茂典以永徽 開元十四年四月二十二日皇帝若曰嗚呼帝室之幹 **册惠文太子文**

若曰於戲受天命者皇王之業大為國本者儲副之位崇 是哀贈 軌 銀定全律文一卷三十八 維開元二十六年歲次戊寅七月戊寅朔二日已卯皇帝 尚書攝太尉盧從愿持節册王為惠文太子魂而有靈 所以上承宗祧下固黎獻咨爾開府儀同三司單于大都 F. 禮以情為體欲增追遠之數行以名而算是圖聚德之 行於南國而輔仁或爽倚福無稽奄忽遷殂震悼何及 故擇兹茂典崇以上嗣言念逝者用申友于今遣工部 **册忠王為皇太子文**

體備文武之殊能果於積德樂於為善凡此數美常試皆弟正以率下謙以持盈識洞於微智周於物通刑政之大 營田鹽池押諸蕃部落等使上柱國忠王與幼而夙成長 心立長則順天所助也議才則賢人之望焉是用命爾為 皇太子往欽哉爾其敬曆典册無忘戒慎思創業之艱難 能当於知子之明諒曰至公之義況復仰稽天道俯察 有宏量佩服仁義周旋禮樂忠孝極於君親友愛聞於兄 欠 至 全 善文、 卷三十八元宗 知守器之為重作貞萬國允協重明以揚烈祖之耿光永 護河東河北道行軍元帥朔方軍節度大使兼關內支度

夫人李氏柔懿成性幽閑表儀能修關雖之德克奉蘋繁 帝若曰於戲大邦為好蕃服維寧豈獨元夫亦資良偶咨 維開元二十一年歲次癸酉四月丁酉朔十五日辛亥皇 胎後嗣之成式可不慎數 公主爾其叶化蕃邦竭誠婦道曆兹龍命可不慎數 龍蕃杆懷柔遠人將適遐荒更樂封邑是用冊爾為交河 之禮自祗卒輔佐肅恭言容載茂形箴允諧內則是以崇 爾 十姓可汗開府儀同三司濛池都護阿史那听妻凉國 **卅交河公主文**

貞持節禮冊爾其受兹光龍慎乃威儀永保無疆之休且昭於備禮今遣使兵部尚書李林甫副使中書侍郎徐安 公主秉質尚柔因心克順默識閫帷之教明徵圖史之言修五禮者必本於天秩合二姓者將厚於人倫咨爾建平維開元二十五年歳次丁丑九月十一日皇帝若曰於戲 欽定全唐文《卷三十八元宗 藻四德笙簧六行河洲在詠將叶於好逑湯沐疏封式 將來之範可不慎數 建平公主文 兲

皇帝若曰於戲古之帝女下嫁諸侯以正婚姻之懿綱 命今遣使侍中豳國公牛仙客副使黄門侍郎陳希烈 肅雍之令德咨爾臨晉公主蹈和成性體順為心煩協 知之敏更承師氏之訓柔明益著淑慎攸彰兼四教而 勤六行而無数近日云吉嘉禮有期宜穆輕章載光冊 開元二十六年歲次戊寅閏八月丁卯朔十六日壬 **卅爾其克遵法度用廣徽歐發明圖德垂範於後 卅具陽公主文** 不

皇帝若曰於戲先王作則女子有行必開湯沐之封以成 維開元二十八年歲次庚辰二月戊子朔八日乙未皇帝 部尚書兼侍中牛仙客副使黃門侍郎陳希烈持節禮 載茂淑範無違禮將及於有行龍宜循於賦邑今遣使兵 柔順因心幽閑表質雅著閨聞之則能瞻圖史之誠微章 維開元二十九年歲次辛已閏四月辛已朔十八日戊戌 爾其敬慎威儀無致失墜用膺龍命克保宜家可不慎欺 二、一、一、一、一、元宗 日關德崇婦道也河洲之訓厚人偷也咨爾真陽公主 **册與信公主文**

若曰於戲三綱以正王化是先二姓之合人倫式敘下 之禮厥惟舊章咨爾樂成公主毓質柔明稟性開婉幼彰 維天寶五載歲次景成七月辛亥朔二十二日壬申皇帝 雅訓歸於外館宜穆舜章今遣使吏部尚書兼中書侍 肅雅之美咨爾與信公主自幼及長含和尚柔鑒圖史而 永無窮可不惧敏 徐安貞持節禮冊爾其益自修飾不忘誠慎俾昭淑問貽 思齊勤組糾而無戰能遵法度克茂幽閑教於公官旣 欽定全唐文、着三十八 **册樂成公主文** 昭

本婦道攸先咨爾壽光公主敏質柔閑資性純粹芳於内 甫持節無命往欽哉爾其祗率外禮度恭中饋順而不違 个遣特進行尚書右僕射兼左相吏部尚書晉國公李林 纂組瓊穿既襲組級斯樂方諧上鳳之期式叶從人之典 日於戲家人以正易著乎辭女子有行詩載其義王化之 維天寶五載歲次景成八月平已朔十三日癸已皇帝若 惠問長有令儀教以公宫頗閱於圖史導以安則克動 而不滿日新其德以正家人可不慎數 **册壽光公主文**

譽可不慎數 中書門下平章事陳希烈副使中大夫給事中王壽持節 稟教於中闡襲以瓊笄斯待年於外館龜謀允叶鸞節方 維天寶五載歲次景辰十二月戊申朔九日景辰皇帝若 欽定全居文· 若三十八 舒率是舊章式兹典禮今遣使光禄大夫行門下侍郎 日於戲婚姻之序人倫為大家道以正王化乃貞咨爾平 冊往欽哉爾其私勤敬德斧藻令儀履順居中以永然 淑問外宣能遵阿保之訓頗聞詩書之旨燒兹形史既 **那平昌公主文**

宜爾室家可不慎數 習紘挺方修中饋之儀式從下嫁之禮罽車遵路苍庋在 維天實九載歲次庚寅四月已未朔二十六日甲申皇帝 暐持節禮冊往欽哉爾其虔修令德祗服厥訓循於法度 吏部尚書晉國公李林甫副使朝散大夫守中書舎人李 訓備聞勤儉之則女史箴規克慎言容之範頗閱圖象旣 一九二二十二十二元京 庭 昌公主性質開婉襟靈敏悟柔順外徹和惠内融公宫道 歸爾好仇申兹寵典今遣使特進行尚書左僕射右相 **册廣寧公主文**

欽 書崇元館大學士集賢院宏文館大學士上柱國潁川 廣寧公主柔儀明婉淑性和惠端開外肅敏悟内昭稟訓 開國公陳希烈副使正議大夫給事中權知刑部侍郎上 能習組糾方遵下嫁之儀式備親迎之禮三星迨吉百兩 公宫法度彰於懿範受教師氏言容順於聞德頗聞圖史 于歸申以徽章宏兹龍命个遣使特進行左相兼兵部尚 日於戲本於王化正乃人倫始於國風彰於婦道咨爾 定全唐文人卷三十八 勤修内則宜爾室家叶於雍肅可不慎毀 源縣開國男李麟持節禮冊往欽哉爾其祗膺典

修圖史之文豈謂福善無徵遽先殂逝天偷有感追悼兼 夙著徽音允移自伉儷天人能修壺訓克茂詩箴之教載 以申悼往也讓皇帝故妃元氏門承華烈代襲清猷柔範 申皇帝若曰於戲尊名備禮所以悲友于也恩親襲號所 維開元二十九年歲次辛已十一月戊申朔二十五日壬 原允叶椒房之位是用冊妃為恭皇后今遣使尚書左 相裴耀卿副使韋絕持節禮冊章服式陳典韋攸備永 福貴從等事資飾贈有行梁苑早曆藩幼疑之荣将 冊讓皇帝故妃元氏為皇后文

欽定全唐文《卷三十八》 今遣使戶部尚書同中書門下李林甫副使黃門侍郎 淑問外昭是以選極名家儷兹藩國式光典冊俾叶龜謀 哲爾河南府士曹參軍楊元敬長女公輔之門清白流慶 亥皇帝若曰於戲樹屏崇化必正聞聞紀德協規允資懿 惟神格嘉是哀榮 誕鍾粹美含章秀出固能微範夙成柔明自遠修明内湛 維開元二十三年歳次乙亥十二月壬子朔二十四日乙 希烈持節冊爾為壽王妃爾其敬宣婦道無忘姆訓率 **弄壽王楊妃文**

求儀範咨爾前相州鄴縣令鄭博古第二女素聞淑哲自 たことに加し、大·二十二元宗 盈低率大飲水膺龍數可不慎數 部侍郎席豫持節無爾為榮王妃爾其勉兹孝敬誠彼滿 稟 寅皇帝若曰於戲作配藩維以正風訓莫不明慎聘納幸維開元二十三年歲次乙亥十二月壬子朔二十七日戊 因邦媛之求式敘圖聞之化今遣使侍中裴耀卿副使吏 孝敬永固家邦可不慎數 幽閑習玩不華圖史成則宜其發祥茂族高選當代俾 **册榮王鄭妃文**

光禄大夫兵部尚書兼中書令集賢院學士修國史 國晉國公李林甫副使中大夫中書侍郎集賢院學 室咨爾右羽林軍長侯莫陳超第五女天資清懿性與賢 柔之質以宏樂善之心宜配藩維用膺典冊今遣使金紫 明衣冠之緒克稟於聞德環珮之容備詳於閨訓是賴尚 維開元二十六年歲次戊寅正月庚午朔十八日丁亥 帝若曰於戲燕翼之樹實屬於維城婚姻之禮必求於宜 金牙白月又一卷三十八 國徐安貞持節冊爾為永王妃爾其度恭所職淑慎 **卅永王侯莫陳妃文**

穆彼嬪風是用命爾為榮王妃今遣兵部尚書兼侍中開之性為禮教所成循圖覽史蹈和獨順固可歸於那 爾京兆府新豐縣令薛獻長女地承華族門傳雅範本幽帝若曰於戲古人大猷諒在婚禮必資令淑以儷藩維咨維開元二十九年歲次辛已三月壬午朔十八日已亥皇 勤 たとと 由してまい上元宗 仙客副使黃門侍郎陳希烈持節禮冊爾其敬佩前規克 儀惟德是修以承休命可不慎數 内則式瞻清懿垂美無窮可不慎數 **册柴王薛妃文** HIII

著淑問可嘉是以膺兹龍章主彼中饋是用命爾為濟 烈持節禮冊爾其敬佩箴訓克慎威儀輔我維城永崇 妃今遣使兵部尚書兼侍中牛仙客副使黃門侍郎陳希 幼及長素有柔和之性監圖循史夙懋幽閑之德徽猷爾故絳州司士參軍崔承寵長女家承茂族代襲清和 帝若曰於戲乃媵藩王旣開即第必求士女以昭闡則 維開元二十九年歲次辛巴五月庚戌朔十四日癸亥皇 金にとうりえらい 石可不慎败 **册濟王崔妃文** 盆 自

咨爾前殿中省尚書輦局直長盧季融第三女淑德賢 欠正上上十二人表二十一元宗 終婦道以正國風可不慎 令儀柔順含和自整備詳環珮之容稟訓有方更出衣冠 維天寶二年歲次癸未七月戊戌朔二十一日戊午皇帝 族實資女範作配藩維是用命爾為信王妃今遣使尚 書侍郎徐安貞持節禮冊爾其肅穆閨聞虔恭禮度克 右僕射兼右相晉國公李林甫副使銀青光禄大夫行 日於戲建邦為屏必勉於聞教嘉耦日妃是賴於嬪 信王盧妃文 敷

修 儀道彰柔順陰教之美國風攸屬允資邦媛作 冠女師欽若保訓踐修德範遵圖鑒史操尚幽閑内 金気白屋フラネニ 用命爾為陳王妃今遣使尚書左僕射兼右相吏部尚書 持節禮 國史晉國公李林甫副使中書舎人兼判刑部侍郎 天寶四載歳次乙酉三月己未朔十九日丁丑皇帝若 、戲答 爾京兆府新豐縣尉韋釜第八女慶承華族禮 陳王韋妃文 冊其率循懿行懋昭令德祗膺典册可不惧 ₫ 配藩聞是

左衛 學士李適之副使金紫光禄大夫行門下侍郎集賢院學 為壽王妃今遣使光禄大夫行左相兼兵部尚書宏文館 若曰於戲古之建封式崇垣翰永言配德必擇幽閑咨 貞懿作儷藩維爰資輔佐之德以成樂善之美是用命爾 動修法度居玩琴瑟夙聞師氏之學素習公宫之禮聿求 士兼崇文館大學士陳希烈持節禮冊爾其欽承龍數室 令則敬恭婦道可不慎數 天寶四載歲次乙酉七月丁卯朔二十六日王辰皇帝 ことまし、こここ元宗 熟二府右郎將韋昭訓第三女育慶高門稟柔中間 = 7

其度奉儀則祗膺典禮克昌祚允永固宗祧可不慎數 外宣既連樂於烟戚且襲吉於龜筮是用命爾為廣平 維天寶九載歲次庚寅四月已未朔十七日乙亥皇帝若 子宫門郎崔珣長女胄自軒晃訓承圖記柔閑內正淑 多 5 全 度文 着三十八 妃今遣使光禄大夫行門下侍郎陳希烈持節禮 天寶五載歲次景成四月癸未朔十六日戊戌皇帝若 於戲朱邱傳封爰求嘉耦瓊笄作合必擇華宗咨爾 **弄凉王張妃文 册廣平郡王崔妃文** 큔 無 問

著清華蕙德柔明蘭儀婉茂早習組糾之藝克聞圖史之 欠正的与之一、失三十一元宗 禮永綏龍命可不慎 儷英藩允資令淑今遣開府儀同三司行尚書左僕射 衛率府親府左郎將羅國公張安仁第二女門承軒冕族 國成紀縣開國男李暐持節冊爾為涼王妃爾其祗膺典 規懿範聿修四德斯備虔恭蘋藻之訓式彰珩璜之容 於戲内則之禮用穆人倫中饋之義以正家道咨爾 林甫副使中大夫行中書舎人權知禮部侍郎事上 相吏部尚書崇文館大學士監修國史上柱國晉國 歟

咸 册 缺 金なとたろうえこ 容圖式存精享神心允穆每叶休徵今五運惟新 從蘊德包 秩思崇封建以展虔誠是用封神 於戲四瀛宅日百谷稱王望祀之禮雖申崇名之典猶 惟東海浴日浮天納來宏往善利萬物以宗以都 保 天寶十載歲次辛卯三月甲申朔十七日庚子皇帝 人寰 大實茲溟 册 宇永清 詔曰潤漲 東海神為廣德王文 令天澤涵 附池奠育 坤 註似彼庶 篇非金類 載 敷 篇惟成 佑 北海限靈阻夷蛇成聚德惟西海沿地水野家可不美數 為廣德 實濫南此 王 ij 其 資疏海文 块名蕩 德清滌 光 百 朕 盤 嗣

欽定全唐文卷三十九目錄 欽定全唐文《卷三十九 元宗二十 冊于闐王尉遲伏師文 冊順義王莫賀咄吐屯文 **那渤海郡王大欽茂文 册勃律國王文** 冊突厥苾你骨咄禄為可汗文 **卅箇失密國王木多筆文** 目錄

册突騎施伊里底密施骨咄禄毗伽為十姓可 册吃拔薩憚國王為恭化王文 册突騎施大纛官都摩度關頡斤文 珊揭帥國王素迦文 珊十姓突騎施移撥可汗文 册罽賓國王勃匐準文 册 **卅骨咄國王羅金節為葉護文** 小勃律國王麻來兮文 次定全唐文 卷三十九 賜突騎施黑姓可汗鐵券文 賜護密國王子頡吉里匐鐵券文 謁陵大赦文 賜三姓葉護都摩度闕頡斤鐵券文 冊骨咄禄三姓毗方伽頡利發文 **册突騎施黑姓可汗文** 賜故石國王男郍俱車鼻施進封懷化王并鐵券 攺元大赦文 目 錄

ď	March Parker	ngyih wasabila y	Mary Street (1)	Circles	erasenia (Media	and the second	in market and the		424
AND REAL PROPERTY OF THE PARTY OF									(E) 4.7
								加應	(1) T
Statistics and States and Second				:				道尊	=
The same of the same of the same of					10 10 10 10 10 10 10			加應道尊號大赦文	
								文	
THE PROPERTY OF THE PARTY OF TH		-				i			
The state of the s									
	Harrison	Sangarasa 250.				CONTRACTOR OF THE			

觀 申 若曰於戲夫象賢種德匪直諸華開國承家無隔殊俗咨 欽定全唐文卷三十九 維開元五年歲次丁已五月庚子朔二十七日景寅皇帝 欠巨 台 唐文 长三十七元宗 爾勃律國王蘇弗舎利支雜泥如思代首渠執心忠肅遜 元宗二十 一始令終長奉正朔寧人保國慶及苗裔往欽哉其光膺 誠款克修職貢謝知信由其遠略郭度瓘所以足兵行 郁成授首何止匈奴斷臂是用命爾為勃律國王爾宜 **册勃律國王文**

秀葱山藴義以立名蹈仁而成德雖日月所炤莫非王土 維開元十六年歲次戊辰正月戊戌朔十四日辛亥皇帝 典册祗朕罷命可不慎數 庸之義俾宏利建之風今遣大理正攝鴻臚少卿喬夢 阿摩支知王事左武衛將軍員外置裴安定誕靈蒲海稟 **珊爾為疏勒王於戲允迪由庚勿替敬典級厥戎落永為** 烽燧時警猶曰虜庭遂能扞彼邊陲歸我聲教載闡疇 日萬邦述職無隔華夷五等疏封式固藩屏咨爾疏勒 とたろうオニーフ 疏勒國王裴安定文

若曰咨爾箇失密國王木多筆於戲奕葉歸順遠舒誠節 維開元二十一年歲次癸酉四月丁酉朔五日辛丑皇帝 **踐義立身資忠成性稟崆峒之氣威武可稱慕函夏之風** 漢藩爾往欽哉 訓聿修令德無怠無荒以保土宇爾往欽哉 款誠必盡功著沙漠聲聞關庭宜有聚崇俾膺封建今遣 大理正攝鴻臚少卿喬夢松冊爾為于闐王於戲祗若順 **卅箇失密國王木多筆文 册于闐王尉遲伏師文**

保 龍章宜及是用命爾為渤海郡王爾往欽哉永為藩屏長 國家爰逮爾躬當兹負荷豈惟立嫡亦乃擇賢休問可 於戲王者宅中守在海外必立藩長以寧遐荒咨爾故渤 密國王恭膺冊命往欽哉 修 釗 忠信效節本朝作範殊俗可不美數 職貢之禮受蕃落之寄時有代謝兄亡弟襲保界山 率黎庶國有制度俗尚清淨可不勉數今命爾爲箇失 玩全唐文| · 卷三十九 郡王嫡子大欽茂代承緒業早聞才幹昔在爾考忠於 册 渤海郡王大欽茂文

欽定全唐文人卷三十九元宗 咨爾石國王莫賀咄吐屯代襲誠節器標果斷盡忠向 皇帝若曰於戲茂秩攸外疏封有命寵榮斯及必在英賢 良圖候彼疆場相為表裏致令克清邊微遠輯殊方實賴 維開元二十八年歲次庚辰三月丁亥朔二十二日戊申 心督載宣勲力靜言褒異非爾而誰是用無爾為順義 爾宜敬慎王猷撫寧部眾永保藩輔可不慎數 扞蕃睡頃以蘇禄殘妖尚為邊患乃能納其鄰國授以 **册突厥苾伽骨咄禄為可汗文** 順義王莫賀咄吐屯文

章盆屬名節永保多福以貽後昆可不慎數 皇帝若曰於戲乃瞻陰方代有君長至於膺我盛禮樂彼 稟崆峒村雄朔漠見事無惑執心不渝迄先代以來結好 從弟右金吾衛將軍質持節禮册往欽哉可汗其丕承徽 感情實嘉焉不有發稱孰彰忠順是用無爾為可汗今遣 國自續承舊業克繼前修遠遣使臣來朝關下義之所 鄰 開元二十八年歲次庚辰三月丁亥朔二十六日壬子 必擇其人諒無虚授咨爾突厥苾伽骨咄禄可汗氣 小勃律國王麻來兮文

次包全每一大 长三十七元宗 骨 朝爰逮爾躬足繼前緒素有馭下之略益堅奉上之心是 用 麻來兮代襲君長家傳忠信地雖限於絕域心每歸於 以貽子孫可不慎歟 於戲王澤無偏義宏於遠邇朝樂所厚諒敦於款誠咨 咄禄毗伽都摩度關頡斤代襲樂望名擅驍騎信義 天寶元年歲次壬午六月甲戌朔二十二日乙未皇帝 於戲王者無外不隔遐方必揆忠款是加龍命各 爾為勃律國王爾其敬膺典册無忘節義永保土字 冊突騎施大纛官都摩度闕 類斤文 7

命 聞 金ダインドランスオニーラ 爾為三 勉樹敷庸可不慎敷 咨爾陁拔薩憚 部眾稱美往在蕃任受制兇威元惡已除能革心而 使臣修其職貢信義昭著深可褒稱是用命爾為恭 牙纛既立克輔主以懷歸嘉爾誠心載崇賞秩是用 詔曰於戲王化所及禮在於懷柔藩部有歸義存於 天寶三年歲次甲申閏二月乙未朔二十二日景辰皇 姓葉護往欽哉爾其祗奉典那懋明忠順善翊 册 **拖拔薩憚國王為恭化王文** 國王阿魯施多志懷恭順深達智謀 册 向

欽定全唐文、卷三十九元宗 嘉尚是用命爾為十姓可汗往欽哉爾其懋膺典册祗奉 爾突騎施伊里底密施骨咄禄毗伽承其宗緒達於智謀 維 能和眾心以致寧靜載執蕃禮遠效懇誠節義昭明深 爾其祗奉典册想遵風教忠勤自勵始終無違用率於 於戲覆融之德豈隔於華夷綏懷之道實貴於忠順各 邦以宣我朝命可不慎歌 天寶三載歲次甲申六月癸巳朔十二日甲辰皇帝 **弄突騎施伊里底密施骨咄禄毗伽為十姓可汗** £.

深可嘉焉是用冊命襲罽賓國王及烏萇國王仍授右 罽賓國王男勃高準宿承信義早竭款誠寧彼下人二蕃 慎歟 朝 安靜繼其舊業萬里來朝秉節不踰懇懷彌著愿情之至 將軍往欽哉爾其肅恭典册保尚忠義承膺於寵命以 曰於戲遠方恭順聚錫宜優累代忠勤龍章斯及咨爾 天寶四載歲次乙酉九月乙卯朔二十二日景子皇帝 此忠信保於始終用主於遠方以光其龍命可不 **卅罽賓國王勃匐準文** 驍

钦定全事文 卷三十九元宗 之節且兼射御之能信義無愆邊隅是賴加以不從惡黨 拜於龍命俾有膺於殊禮可冊為十姓突騎施移撥可汗 遠慕華風言念爾勞載懷嘉尚眷兹部伍必仗村雄宜式 撥可汗骨咄禄毗伽俱支効款輸誠志稱勇烈克保忠自 率於遐蕃可不慎數 戲賞勞之制必崇名器懷柔之典無替時庸咨爾揭 以酬庸德以懷遠乃建蕃國抑惟舊章十姓突騎施 册 **那十姓突騎施移撥可汗文** 朅 帥國王素迎文 六

帝詔曰於戲疇賞懋功無隔於中外懷荒即遠諒歸於 維 可不慎數 仁惠於蕃部永言効節宜膺旌賞是用冊爾為揭帥國 被倫棄今惡黨已殄兇徒就擒鄉遂能輸忠赤於朝廷 爾其丕荷國恩克修蕃禮子孫萬代長保寵樂豈不美數 國王勃特沒兄素迎代竭忠誠僻居遐裔夙懷智識早聞 勇義頃以勃特沒於鄉不孝於國不忠而卿報屈旣深久 天實十 **册骨咄國王羅金節為葉護文** 載歲次壬辰正月已卯朔二十四日壬寅皇

美歟 謨 葉護爾其祗膺典禮慎守封疆貽慶子孫受兹寵錫可不 勤 彌 維 施 日咨爾骨咄禄毗伽突騎施黑姓可汗特進登里伊羅 各爾骨出國王羅金節夙遵聲教志尚忠節作打邊疆 效斯者頃者以羣醜撥動方欲脅從而忠懇不渝始終 固言念於此嘉尚良深是用授爾驃騎大將軍仍冊為 九八十十二八十一九元宗 立 天寶十二載歲次癸巴九月己亥朔六日甲辰皇帝若 國惟信表賢在忠既效信以推誠亦旌忠而懋賞卿 **册突騎施黒姓可汗文** 密

寵 盛 族 帝王之事講信修睦人臣之禮卿久佐藩部備吏戎落 維 才略備舉知勇兼資強足抗敵威能率下故得甲兵乎 咨爾骨咄禄伊難如三姓毗方伽頡利發夫崇德報 典保我疆場惡我寇讎俾業固山河福級種落水私 天寶十二載歲次癸巳九月己亥朔六日甲辰皇帝若 崇錫命今授卿特進為突騎施可汗鄉敬勉良圖光 類懷仁旣嚮順以移風亦事大而知禮是用載加榮 安全屋文 老三十九 可不慎 **册骨咄禄三姓毗方** 歟 伽頡利發文 昭 訓

荐居不可以早賓朝北蕃之俗不能自理遠仗皇威深 有增嘉歎今授卿左羽林軍大將軍員外置同正員兼賜 慎 册 褻通克知成敗豈惟款塞之懇常有捍邊之心言念披誠 度 於戲善於國者賞必加焉自古哲王率由斯道咨爾三 關 書鐵券永執蕃禮無替華風克終令名常保禄位可 歟 頭斤素稱聽焊兼蘊智謀當蘇禄之時雖力有所 在羽林軍大將軍員外置同正員骨咄禄毗你 賜 三姓葉護都摩度關頡斤鐵券文 都 姓

咨爾護密王子頡吉里匐夫藩打所寄惟信是從節義可 歸 卿 是用授鄉龍章榮彼蕃部今賜鄉丹書鐵券傳之子孫永 而懇誠之至乃朕則知元惡旣除效勤彌亮果能率衆 固河山有如日月可不慎歌 欽定全唐文、卷三十九万号 稱 降斯盡節於朝廷且立功於疆場信義若此嘉尚良深 父繼立近阻強都被制凶成有乖夙志今遂能獻誠款 雖遠弗隔鄉之先代當附國朝通使有常書譯相次自 託歸懷自非心悟遠圖何以克存先意念此誠懇嘉尚 賜護密國王子頡吉里匐鐵券文

欽定全唐文 卷三十九元宗 皇建極聲教及於遐荒惟帝念功禮命加於恭順卿雖 日咨爾骨咄禄毗伽突騎施黑姓可汗登里伊羅密施 尤深今賜卿丹書鐵券以旌忠孝長表信義永傳子孫日 維天寶十二載歲次癸已九月己亥朔六日甲辰皇帝若 史績用累著嘉尚良深今授卿特進冊為突騎施可汗重 月同明山河齊久可不美數可不慎數 藩部歸化朝廷兼拒兒嗣挫其侵軼精貫白日義光青 沙漠常打烟塵識進退存七之端知古今成敗之數 賜突騎施黑姓可汗鐵券文

王卿又能效節輸忠克復居宇打邊率下循職修貢信彰 先文德錄誠之美是加命禮卿之先代累賓朝化列在藩 若曰咨爾故石國順義王男那俱車鼻施夫柔遠之道必 維天寶十二載歲次癸巳十月戊辰朔十四日辛巳皇帝 夷落義貫幽明言念懇誠良多嘉尚今授卿特進仍 節山河帶礪福禄長存可不慎數 爵貴號以崇其龍丹書鐵券以表其忠宜保始終永固誠 賜故石國王男那俱車鼻施進封懷化王并鐵券

士之謀叶人祇之賛豈伊薄德敢承天庥露往霜來久積 應天受期駿惠不命繼武宗文之德重熙累洽之盛故以思文之章漢陵躬展事之禮因心斯在敢不肅祗我國家 國屯推戴神宗篡復興運九迪前烈載康兆人此蓋仗卿 道高系表首冠帝先朕以眇身獲保鴻業往屬多難時逢 祀之大者莫尊於嚴享德之至者莫加於孝敬故周廟頌 欽定全唐文 卷三十九元 化王并賜丹書鐵券以表忠赤宜執於恭順保於終始每 資特角之用永固山河之龍可不美數 謁陵大赦文 宗

祥恭惟昭陵載感王業肆台小子夙奉睿圖及齋戒虔誠 奉梁山紫氣外於壽宮甘露遍於陵樹白兔馴擾瑞草呈 終纏感罔極瞻弓劒而莫及捧鏡奩而哽咽始自橋嶽終 太室及秋吉日珍木瑞於神宫對越上靈拜兹嘉則項以 來雍雍載懷怵惕之思至止肅肅如聞歎息之聲降格 教恐違先旨恤隱之方今三時已和百禮斯治崇牙宿 陵之思秋當夏稀聿思孝饗之誠乃夏朔辰祥芝產 核未實民役尚勞每事害農豈惟在予有咎之責因 舞在庭敬爾臣工駁奔執豆蠲潔為精明德惟馨有

今古未聞蓋皇天眷於我唐神心昌於後嗣延祚之社豈 升龍已遠而雖馬如神及配與壽宮親聞抃躍幽明合慶 欽定全唐文人卷三十九元宗 隷積西瓜州者联拾其舊惡咸與惟新並宜放還其反逆 免者成赦除之自先天已來有雜犯經移近處流人并配 輕重已發覺未發覺已結正未結正繫囚見徒常赦所不 獨在予一人錫類之恩宜廣覃於四海可大赦天下自開 率祗祀典聖容昭見靈迹尤彰每四方多虞中國有事雖 綠坐長流及城奴量移近處編附為百姓左降官量移近 元十七年十一月二十二日昧爽已前大辟罪已下罪無

階陵戶並放從良終身灑掃陵寢仍每陵側近取百姓六 事諸州侍老百歲已上賜帛十段九十已上賜五段八十 巴上賜三段獻陵昭陵定陵官吏并管陵縣官各别加一 出今年地稅之半如已徵納聽折來年通租懸調在百 處官人有亡官失爵齒力未衰者量加收錄天下百姓 内者一切放免孝子順孫義夫節婦旌表門間終身 州縣致祭內外文武官三品巴上加野一等四品巴下 以供陵寢永勿徭役自古帝王賢臣將相陵墓宜令所 **階亞獻皇太子鴻賜物二千匹終獻慶王潭賜物**

諸 棣王洽鄂王涓榮王滉光王涺等各賜物七百匹中書門 汉 巴號伸夫羣臣受榮上延父母先帝遺澤下及幽冥與言 衛監門羽林軍五省長官三府尹大都督長史父各贈四 品官五品已上清官父各贈五品官凡所贈官宜兼贈 相 欠記を与之、失三十七元宗 一千匹邻王守禮寧王憲薛王業各賜物八百匹忠王浚 待人曲已以施物故休戚共而憂樂同也中書門下丞 親三等已上及文武百家各賜物有差自古明王因心 賜物五百匹開府王毛仲賜物三百匹皇親五等已 尚書開府三省大將軍父並賜三品官九卿三監十

之德靈符協紀年之稱考彼前載斯為大猷恭惟烈祖 古先哲王之致理也皆上順天心下稽人事時令賛發 選日優與進改京兆府供頓縣免今年地稅諸道戰亡人 各賜勲兩轉 其唐元年兩營立功官三品巴上與一子官其四品已下 及此良多感歎君臣一體榮辱是同龍蛇之歌古今作戒 元皇帝天實錫慶象帝之先垂裕後人重光五聖自朕 多気と月ンショキニー 仰州縣存恤不支濟者量事賬濟諸軍健兒别勢行 改元大赦文

守丕業洎三十年實賴宗社降靈昊写乎祐萬方無事 降惟新之澤可大赦天下改開元三十年為天寶元年正 欽定全唐文人卷三十九元宗 育宜禁麛卵以遂生成自今已後每年春天下宜禁弋 左降官並流人未經量移者亦與量移陽春布和鳥獸藝 結正未結正繫囚見徒常赦所不原者咸赦除之諸色 風於不宰況屬陽和布氣獻歲發生宜覃在宥之思式 臨下惠化攸先思宏善貸用廣慈育遵道寶而建元 惟修寰宇晏如庶臻於理然則乾元在上仁覆為德皇 日味爽已前大辟罪已下罪無輕重已發覺未發覺

容仰申情理而官吏不依令式多雜役使自今已後不得 文詞秀逸或有軍謀越衆或有武藝絕倫者委所在長官 賜栗帛侍丁者令其養老孝假者矜其在喪比者王政優 如聞百姓之内或有人戶高丁多苔為規避父母見在 更宜精訪以副虚懷其前資及白身人中有儒學博通及 更然國之急務莫若求才項者數遣搜揚士庶尚慮遺逸 兩丁征行賦役五丁已上者放一丁即令同籍共居以敦 別籍異居宜令州縣勘會其一家之中有十丁巳上者 化天下侍老八十已上者宜委州縣官每加存問仍量

其京文武官五品已上清資並即官據資歷人才堪為 以金為飾金者應五行之數有肅殺之威去金稱黃理或 未當其黃鐵宜改為金鐵副威武之義焉內外文武官 史者各任封狀自舉但文宣垂訓事必正名而黃鉞古來 耶 品 具以名薦若乃宏我風化實惟方岳必行其人以膺共 並令所繇 已上各賜勲兩轉前王重典在乎祭祀況屬惟新事 告五嶽四瀆名 加應道等號大赦文 州縣 致 山大川諸靈迹及自古帝王忠臣義

挚請愈勤懇詞難奪以今日故膺典册曰開元天寶聖文 欽 元眷命有以丕承大寶鴻名斯為公義朕續宗社之重 惟 武之烈克勤 運其何讓焉上答元符願增微號披誠詣闕累上 流愈曰玉芝白魚神言瑞景天之應也敦信與禮務 定全 武應道皇帝式副人神感懼交集宜廣恩於善貸俾 日三紀於兹矣區夏大寧靈祇集貺而公卿宗子者艾 天法道惟后奉天既合德以降符必執象以明本則 人之應也化治而風俗還淳氣和而疵寫不作 唐文卷三十九万 匪懈服道齊心允迪元猷幸求至理日 慎 啟

繁囚見徒當赦除之其左降官及流移配隸安置罰鎮 欽定全害文人卷三十九元宗 替非衰光疾病者宜令所司量加收殺人和年登休運 前大辟罪已下罪無輕重已發覺未發覺已結正未結 慶於惟新可大赦天下自天寶七載五月三十日珠爽已 屬輕徭省賦惠政攸先將洽小康必宏厚貸其天下百姓 力之數並稍與量移亡官失爵放歸不齒及諸色被停與 漠從損益唯立二王之後自兹已降且復因循將廣 載租庸並宜放免及諸色勾徵等亦一切放免自古帝 邦受命必敬先代以循舊章周備禮文既存三恪之 去

承者一 帝王肇迹之處未有祠宇者宜令所繇郡縣量置一 常 道 致 前帝王宜於京城共置一廟仍與三皇五帝廟相近以 雖 職 謝於往古乃功施於生人用率典章亦從種祀其悉代 祭自古受命之主創業之君皆經濟艱難戡定禍亂 事先書契而道著皇王緬懷厥初寧忘成秩其三皇已 惟崇事雖更於有司任豈循於常秩其宗正卿宜與大 卿同品其少卿及丞亦宜準此又上古之君存諸號 之恩宏復古之道宜於後魏子孫中簡擇譜屬灼然相 人委所司勘責準都公例定為三恪陵廟所奉 時 雖 氏

史籍所載德行彌高者所在亦置一祠字量事致祭古者 善事有勘於當時義無隔於異代其忠臣義士孝婦烈 立像如先有祠宇霑享祭者亦宜準此式間表基追賢紀 時享祭仍取當時將相德業可稱者二人配祭仍並圖畫 問巷之内多虧禮節致使言詞鄙褻少長相凌有黷清 次足を持文、长三十九元宗 有塾黨有库所以明尊甲之義正長幼之序風化之道 有禮義與行及紀綱不立者委採訪使明為褒貶具狀 雅俗自今已後宜令那縣長官申明條式切加訓 於兹先置鄉學務令敦勸如聞郡縣之間不時訓

放朕每以道元有屬思竭精誠經教所在豈忘崇奉且送其崇元館生自今已後每至選日宜減於常例次為道德經及南華等四經任於所在自舉各委長官考試 感通元關降高真之迹為上清之宗後漢張天師教 具人護軍長史許具人丹陽上計掾許具人皆道著 其道者師其人行其教者尊其禮晉琅琊王公府舎人 科將冠九流之首雖及門求進頗有其人而觀奧一奏道教之設淳化之源必在宏闡以敦風俗頃列 聞達者豈專精難就為勸獎未宏天下諸色人等有

尤功應遠大者度三人永修香火其茅山紫陽觀取側近十戸蠲免租稅差科永供灑掃諸郡有自古得道昇仙之保其洞宫山各置壇祠宇每處度道士五人並取近山三定子孫將有封植以隆真嗣天師冊為太師貞白冊贈太 修甘灑掃應天下靈山仙迹並宜禁斷樵採弋獵如聞山 生高尚塵表博達元微綜輯具經傳授後學並令有司審 和德宗太上正一 二百戸太平崇元二觀各一百戶並獨免租稅差科長 て記れましてたいこし元宗 一之道幽對生靈梁中散大夫真白陶 者之心有所不忍永宜禁斷且因親設教式本於人倫自 物為心況於宰殺尤加惻隱自今已後每月十齊日不得 衣忘寢或齊戒一室則疏食精專不以勤躬為倦務以徇 意具經虔誠至道其憑元祐永錫點黎每朝禮三清則官 志道之士不得安居自今已後審係清潔更不得恐動以 輕有宰殺又問間之間例有私社皆殺生命以資宴集仁 廢修行其五嶽四濱名山大川各令本郡長官致祭朕刻 多気在厚文、若三十九 林學道之士每被搜括且法之防邪本有所以至於宿宵 妖訛亡命聚眾誘陷愚人故令禁斷郡縣遂一點迫逐使

典則以博覃施惠之恩特申曲被其京城父老宜各賜物 葉流根必逮於榮養內外文武職掌官有五品已上其 例處分京官五品已下正員如父母已沒未有官者宜追 祖見在無官者宜各授一官仍令致仕其祖母見在準母 宜申國恩再復榮秩可開府儀同三司仍放優閑不須朝 會王澤無私豈殊於中外天瑞有慶頻屬於京華寬大之 贈所司勘會即與處分睦親之義因心不忘前開府儀同 久日日日日 · 大二十山元宗 三司實理項以容納微人頗虧憲典永懷舅氏追感渭陽 段七十巳上仍版授本縣令其妻版授縣君六十巳上

諸充官使未回者並同在京例賜物貴妃楊氏稟性柔 文武官九品已上宜各賜勲兩轉其京文武官見在京及 因心忠孝克慎閨靈蹈禮循詩加以勤志元宗協誠嚴 版授本縣丞天下侍老百歲已上版授下郡太守婦人 八品九品二十区兩京留守各八十区其節度採訪使並 版授縣令婦人版授鄉君仍並即量賜酒麪内外見任 仕並陪位官諸方通表使及月番官等一 郡君九十巳上版授上郡司馬婦人版授縣君八十 品三品八十区四品五品五十区六品七品三十 品賜物一 白

www.PMCCASTCOnnecticons	Christian Character	Year on the second					
欽定全唐文《卷三十九元宗				川田	更賜物二千匹慶王琮巴下各賜物有差率	太真觀雖先度人住持尚少宜更度道士七	率勵官掖以迪關雖宜賜物三千匹嬪御等
元					賜物有差率土之內賜酺	更度道士七人太子與宜	千匹嬪御等賜物有差其

417 - - 713/**(1000)**